



Ukradena vozila sjekli u djelove

Nakon hapšenja automafijaša sa Sokoca SIPA pronašla više od 60 ukradenih i isječenih vozila

Uhapšeni Milorad Mirković, Aleksandar Subašić, Zoran Čobović i Velimir Simić predati u nadležnost Tužilaštvu BiH

Milorad Mirković, Aleksandar Subašić, Zoran Čobović i Velimir Simić, osumnjičeni da su se bavili autokriminalom na području Sarajeva i Istočnog Sarajeva, a koje su uhapsili pripadnici Državne agencije za istrage i zaštitu (SIPA), predati su Tužilaštvu BiH na daljnje postupanje.

Istraga u toku

Iako smo kontaktirali Tužilaštvo BiH s upitom da li će osumnjičenima biti predložena mjera pritvora, odgovor nismo dobili.

- Za sada možemo samo reći da je istraga o ovom slučaju u toku - kazali su iz Službe za odnose s javnošću Tužilaštva BiH.

Pripadnici SIPA-e u uto-rak su Mirkovića, Subašića i Čobovića zatekli na djelu dok su na području Sokoca sjekli i rastavljali ukradena vozila. Simić je uhapšen dan poslije. Uviđajne radnje na mjestu gdje je trojka zatečena prilikom razaranja auta, trajale su nekoliko sati, a pronađeno je više od osam rastavljenih vozila.

-U nastavku aktivnosti u okviru ovog predmeta pre-jučer su, pod nadzorom



Tužilaštva BiH, pretreseni objekti i pregledan je teren na više lokacija na širem području Sokoca.

Vještačenja auta

Pronađeno je više od 60 isječenih vozila visoke klase najnovije proizvodnje te tri

čitava vozila, za koja se sumnja da su ih u prethodnom periodu ukrali pripadnici organizirane kriminalne grupe - saopćeno je iz SIPA-e. Dijelovi pronađenih vozila i jučer su se šleperima prevozili u Sarajevo radi vještačenja. **Am.K.**